

Awe Aruba lo rindi tributo na Betto Croes gran personaje den mundo di deporte

ORANJESTAD (AAN)-

Diaranzon ultimo den oranan
di mainta, Dios a jama den su

reino celestial un gran jiu di
terra, Betto Croes un persona
cu no solamente tabata un bon
esposo, tata y abuelo, pero un di

e poco persona cu a dedica gran
parti di su bida na deporte.

Na edad joven Betto a cumin-

za hunga futbol den equiponan
di Santa Cruz, entre otro Jong
Santa Cruz.

Betto Croes tabata un di e
prome entrenador di baseball
Little League y tabata manager
di Adams Chiclets.

Masha hopi aña el a dedica na
korfbal. No mucho aña pasa cu
korfbal a ser reviva, Betto
tabata entrenador di un equipo
di Santa Cruz.

Boxeo amateur tambe Betto
tabata activo y a forma parti di
directiva den añanan 1964 pa
1966.

E deporte cu mas Betto a
dedica na dje tabata Ping Pong.
Den un otro articulo por lesa e
logronan cu e deporte aki a
haya cu Betto Croes ariba
tereno internacional.

Awe tardi Betto lo ser hiba na
su ultimo lugar di sociego. Acto
di entierro lo tuma lugar pa 4,30
saliendo for di Misa Fatima y
despues pa santana catolico na
Boerhaavestraat.

Staff y Personal di DIARIO ta
extende palabranan di con-
dolencia na familianan. !Betto
sosega na Paz!